



# Mesur Gwastraff (Cymru) 2010

2010 mccc 8

*Cynlluniau rheoli gwastraff safle*

## 12 Cynlluniau rheoli gwastraff safle

- (1) Caiff Gweinidogion Cymru drwy reoliadau wneud darpariaeth sy'n ei gwneud yn ofynnol i bersonau o ddisgrifiad penodedig—
  - (a) paratoi cynlluniau ar gyfer rheoli a gwaredu gwastraff a gëir wrth lunio disgrifiadau penodedig o weithiau yng Nghymru sy'n cynnwys adeiladu neu ddymchwel;
  - (b) cydymffurfio â'r cynlluniau hynny.
- (2) Caiff rheoliadau gynnwys darpariaeth hefyd ynghylch—
  - (a) yr amgylchiadau y mae'n rhaid paratoi cynlluniau odanynt;
  - (b) cynnwys y cynlluniau;
  - (c) awdurdodau gorfodi mewn perthynas â chynlluniau a swyddogaethau'r awdurdodau hynny;
  - (d) cadw cynlluniau a'u dangos i awdurdodau gorfodi;
  - (e) y dull o wneud cynlluniau gan Weinidogion Cymru neu awdurdod gorfodi sy'n gosod gofynion ar bersonau o ddisgrifiad penodedig i dalu ffioedd neu daliadau eraill a godir fel cyfrwng i adennill y costau rhesymol a dynnir gan awdurdod gorfodi wrth gyflawni ei swyddogaethau o dan yr adran hon.
- (3) Mae disgrifiadau o weithiau y caniateir eu pennu o dan is-adran (1) yn cynnwys (ymhlith pethau eraill) disgrifiad drwy gyfeirio at gost neu gost debygol y gweithiau hynny.
- (4) Mae unrhyw reoliadau sydd wedi eu gwneud gan Weinidogion Cymru o dan adran 54 o Ddeddf Cymdogaethau Glân a'r Amgylchedd 2005 ac sydd mewn grym yn union cyn i'r Rhan hon ddod i rym yn cael effaith fel petaent wedi eu gwneud o dan yr adran hon ac adran 13.
- (5) Yn yr adran hon, nid yw "Cymru" yn cynnwys unrhyw ran o'r môr sy'n gyfagos i Gymru.

**Gwybodaeth Cychwyn****II** A. 12 mewn grym ar 15.2.2011, gweler **a. 21(2)****13 Tramgwyddau a chosbau**

- (1) Caiff Gweinidogion Cymru wneud darpariaeth drwy reoliadau—
  - (a) ar gyfer tramgwyddau mewn perthynas â methiant i gydymffurfio â darpariaeth a wnaed o dan adran 12;
  - (b) ar gyfer cosbau mewn perthynas â'r tramgwyddau hynny;
  - (c) ar gyfer rhyddhau o atebolrwydd am dramgwydd o dan baragraff (a) drwy dalu cosb benodedig i awdurdod gorfodi o dan adran 12;
  - (d) ynghylch y ffyrdd y caniateir i daliadau a wneir o dan baragraff (c) gael eu defnyddio gan awdurdodau gorfodi sy'n arfer swyddogaethau o dan adran 12.
- (2) Ni chaniateir i'r rheoliadau greu tramgwyddau—
  - (a) y gellir eu cosbi â chyfnod yn y carchar, neu
  - (b) y gellir eu cosbi ar gollfarn ddiannod â dirwy sy'n fwy na £50,000.
- (3) Ni chaniateir i'r rheoliadau greu tramgwyddau o fethu â chydymffurfio â darpariaeth a wneir o dan adran 12(2)(e) y gellir eu cosbi ar gollfarn ddiannod â dirwy sy'n fwy na lefel 5 ar y raddfa safonol.

**Gwybodaeth Cychwyn****I2** A. 13 mewn grym ar 15.2.2011, gweler **a. 21(2)****14 Sancsiynau sifil mewn cysylltiad â chynlluniau rheoli gwastraff safle**

- (1) Mae'r adran hon yn gymwys pan fo'r pŵer i wneud rheoliadau yn adran 13 wedi ei arfer neu'n cael ei arfer yn y fath fodd ag i greu tramgwydd.
- (2) Caiff rheoliadau wneud darpariaeth, mewn perthynas ag awdurdod gorfodi, y gellid ei gwneud drwy orchymyn o dan Ran 3 o Ddeddf Gorfodi Rheoleiddiol a Sancsiynau 2008 ("RESA 2008") fel pe byddai, at ddibenion Rhan 3 o'r Ddeddf honno—
  - (a) yr awdurdod gorfodi yn rheoleiddiwr, a
  - (b) y tramgwydd yn dramgwydd perthnasol mewn perthynas â'r rheoleiddiwr hwnnw.
- (3) Ond mae adran 49(1) o RESA 2008 yn cael ei haddasu wrth ei chymhwyso i dramgwyddau a grëwyd gan y rheoliadau fel y bydd y cyfeiriad at "£20,000" i'w ddarllen fel cyfeiriad at "level 5 on the standard scale".
- (4) Mae adrannau 63 i 69 o RESA 2008 yn gymwys i ddarpariaeth a wneir o dan reoliadau o dan adran 13 neu yn rhinwedd y rheoliadau hynny fel y maent yn gymwys i ddarpariaeth a wneir o dan Ran 3 o RESA 2008 neu yn rhinwedd y Rhan honno.
- (5) At ddibenion is-adran (4), mae'r cyfeiriadau at "regulator" yn adrannau 63 i 69 o RESA 2008 i'w darllen fel cyfeiriadau at awdurdod gorfodi.

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Gwastraff (Cymru) 2010, Croes Bennawd: Cynlluniau rheoli gwastraff safle. (See end of Document for details)*

- (6) Yn yr adran hon, ystyr “awdurdod gorfodi” yw person sydd â swyddogaeth orfodi mewn perthynas â thrangwydd a grëwyd gan reoliadau o dan adran 13.

**Gwybodaeth Cychwyn**

**I3** A. 14 mewn grym ar 15.2.2011, gweler [a. 21\(2\)](#)

**15 Canllawiau**

Rhaid i berson sy'n awdurdod gorfodi o dan adran 12 roi sylw i ganllawiau a roddir o bryd i'w gilydd gan Weinidogion Cymru pan fo'n arfer swyddogaethau awdurdod gorfodi.

**Gwybodaeth Cychwyn**

**I4** A. 15 mewn grym ar 15.2.2011, gweler [a. 21\(2\)](#)

**16 Ymgynghori**

- (1) Cyn gwneud unrhyw reoliadau o dan adran 12, rhaid i Weinidogion Cymru ymgynghori â'r canlynol—
- [<sup>F1</sup>Corff Adnoddau Naturiol Cymru];
  - pob awdurdod lleol;
  - unrhyw bersonau y mae'n ymddangos iddynt eu bod yn cynrychioli buddiannau personau sy'n agored i fod yn ddarostyngedig i ddyletswyddau o dan y rheoliadau ac y mae Gweinidogion Cymru'n barnu eu bod yn briodol;
  - unrhyw bersonau eraill y maent yn barnu eu bod yn briodol.
- (2) At ddibenion is-adran (1), mae ymgynghoriad sydd wedi ei wneud cyn pasio'r Mesur hwn yn cael effaith fel pe bai wedi ei wneud ar ôl ei basio.

**Diwygiadau Testunol**

**F1** Geiriau yn [a. 16\(1\)\(a\)](#) wedi eu hamnewid (1.4.2013) gan [Gorchymyn Corff Adnoddau Naturiol Cymru \(Swyddogaethau\) 2013 \(O.S. 2013/755\)](#), ergl. 1(2), [Atod. 3 para. 2](#) (ynghyd ag [Atod. 7](#))

**Gwybodaeth Cychwyn**

**I5** A. 16 mewn grym ar 15.2.2011, gweler [a. 21\(2\)](#)

**Newidiadau i ddeddfwriaeth:**

Ar hyn o bryd nid oes unrhyw effeithiau heb eu gweithredu yn hysbys ar gyfer y Mesur Gwastraff (Cymru) 2010, Croes Bennawd: Cynlluniau rheoli gwastraff safle.